

漫

谷九

亭

集

幔鴛亭集卷二十四

壽陽祁鶴藻叔穎

古今體詩五十四首

戊戌

黃可菴

足民

自蕪湖寫寄戊戌歲朝圖題二絕句

存雪亭邊梅正開  
椒園喜報尺書回  
一條江水青山色  
都被春風吹送來

礪水松風靜坐聞  
家山了了眼中分  
回頭六十年來事  
仍

似無心出岫雲

先君於乾隆戊戌通籍

消寒第九集存雪亭雨中看梅花同蓮西家三兄作

亭梅知我欲東之

時將按試蘇郡

玉蝶飛飛故繞枝  
小雨著花還

惜別西園留客且移時  
夢痕覺似聞雷蟄  
寒意消如退局

棋二月八日九九畢十一日驚蟄一事負他鈴鐵語畫闌猶未看辛夷

舟行

青暘鎮南白蕩圩天水空曠連菰蒲北風五兩解送客挂  
帆袖手一事無忽聞煙外漁艇呼使鷹捕魚如使奴得魚  
不食爲人飽曷不遠去凌江湖鷗邊海客向吾笑釣竿可  
得紅珊瑚

讀元遺山詩

吾道申韓已足羞衣冠况復語俳優拄天大手回元氣卻  
取朱絃屬柳州

白頭賸有南冠錄青簡孤懸野史亭破硯禿豪忙底事中  
州留得氣英靈

雪香亭畔柳啼鶯，汴水東流繞舊京。玉軸龍文親眼見，故

應愁殺庾蘭成。

雪香亭雜詠注亭在故汴宮仁安殿西

冠山飛入湧雲樓，更憶陽泉道院幽。不是詩人感喬木，霜

林誰識故鄉秋。

陽泉樓雲道院及鄉郡雜詩皆爲平定作也。遺山自注：余家自五代以後自汝州遷

平定。宋末又自平定遷於忻。故文字中以平定爲鄉郡。

### 松江試院校射

序賓校射敢辭勞，鑠院深沈士不囂。春晝特長禽語樂，夕  
陰將散鼓聲高。論文自媿穿蹲甲，化俗還期解佩刀。忽見  
數竿牆外碧，欲拈筠箭試吟豪。

### 幕客和校射之作疊韻荅謝

兼旬久未息筋勞，得句驚人喜欲囂。落筆龍蛇詩草疾，當

庭風雨燭花高錦城舊識參天柏

雲間試院古柏同人崑  
賦詩多引杜老句

水新來切玉刀慙媿諸公頻拂拭幾回斂手避銛豪

### 再疊前韵荅蓮西

南遊伴我使車勞深鑷春風似避鷺滾滾江潮吳地盡悠

悠汾水晉祠高少年詩句頻搜篋它日絃誦試割刀

君以廣文

膺卓薦當  
爲縣令

更望諸生文殿捷

余弟宿藻兄子  
世齡皆從君學

博君一笑且

揮豪

### 示諸生三疊前韵

沃土先須辨逸勞淳風要在去華鬻雲龍上下原相逐竹

箭東南本自高敢使宮牆穿雀鼠

諭士以訟不可  
長爲弟一義

要令弟

子佩鱗刀文章記取淵源在螯擲鯨喙未是豪

四疊前韵奉懷當塗夫子兼荅邵篠舫和章

七載師門引領勞從遊何日得鸞鷖因君話到園林樂使  
我身依杖履高負笈祇愁難越境湖江誰謂不容刀研田  
有井聊相汲讀畫題詩亦足豪

師以畫卷命題并寄  
井字硯皆篠舫將來

松江鐵仙太守

文康

餉惠泉水一罌篠舫出雀舌茶

試之色香味三絕

煩君摘取小團月助我煎嘗弟二泉太守偏能符調水詞  
人不借酒爲船一甌睡足輪坡老兩腋風生傲玉川恰好  
清明連夜雨桂堂西角起新煙

雲間試院古柏和三兄韵

二陸吳中俊吾尤惜士龍但聞崑產玉不見鶴來松此木

材堪用如人秀獨鍾帛鬚眞絕倒爲爾寫形容

古柏次蔡紱齋韻

鸞鶴何年致風雷一夕期不隨堂桂盡敢恨澗松遲句共  
爭春發材因得地奇九峯幽絕處可許歲寒知

次和苗先路

獨研倉籀欲通靈洩長偈文本五經古瓦不隨秋草沒寒  
鐙長伴夜窗醒會逢絳叟年疑亥君昨歲自三晉學幕還都更喜黃門  
老復丁近有弄璋之兆故戲及之客裏浮查一回首史臣爭指釣臺星

黃樹齋徐廉峯諸先生皆君知交

聞六弟宿藻成進士入詞館誌喜述懷四首

感極無端涕淚流寒門何幸沐

恩稠一經學業淵源在兩世科名甲子周

先大夫乾隆戊戌翰林距今適

六十年

華鄂人方羨常棣皮毛誰得稱驂騑文章砥厲非容

易莫作蓬瀛汗漫遊

憶昔輪臺遠戍時門閭事事總堪悲楹書散漫從兒讀衣

綫辛勤賴母慈

先君子役西陲時六弟年甫五齡

垂老尙嗟予季弱報恩

已恨我生遲

寓藻甲戌通籍逾年卽丁先君憂

豈知藥榜泥金字更照松

岡一丈碑

先太夫人見背今已五年矣

直園會迓板輿來綵扇香囊拜

賜回

壬辰癸巳之間慈輿就養於直園

若使春暉長此駐定應笑口幾番

開思量往事真如夢消受浮名媿不才敢向崔盧較門第

似聞廣受懼多財



六 復欲亭集卷二十四 四

同舟喜氣儼登仙江上雙魚次第傳小阮不須歸蠟屐是科

兄子世齡薦而未售暫留京寓老兄頗爲寄蠻箋東西廨舍應相憶弟欲請假

南來長短鐙檠只自憐迴首玉堂清切地廿年書味在寒瓊

題李雙圃前輩象鵬漁樵散人圖

遠道思純菜寒鱸笑芋頭非關游宦嬾直取性情幽危坐

宜松石清言共茗甌看它橋下水湍激爲誰流

星沙會奉使珂里記經行秋葉楚山碧春帆湘水清鷗邊

天浩蕩柳外路分明便欲從君問滄浪許濯纓

五月二十六日雨後約苗先路學植蔡紱菴麟書吳

景韓大忠胡光伯焯陳伯禧熙許蓮西長庚張石洲

濼暹趙心園復正偕表兄弓晴霞佩綺家兄漁莊登

城北君山時蓮西將旋里卽以誌別

暨陽城北大江環雨後登臨解客顏萬古雲霄一公子

季札

碑在江陰

十年吳楚兩君山

山以春申君得名與洞庭同皆余使查所歷

飛鴻踏雪

元無定塞馬嘶風且欲還極目片帆天際遠莫雲西望是

鄉關

寄園雨坐呈蓮西

去年江月隨君來

君以十月聖抵江陰

片帆初卸梅花開今年江雨

送君去蓮花紅到憑闌處春申城北君山高海門落日回

江濤鑷闌點勘動數月振袂忽與羣仙翱東飛伯勞西飛

燕坐席未煥思鄉縣愴懷爲憶太行雲

君歸將治松楸之事

揮手已

失吳門練人生聚散如搏沙舊雨乃在江之涯

石洲自聞都初來

鶯湖上依依柳

晉陽書院東海子

黃金臺下騎馬走三十年來春

夢醒別酒幾倒雙玉瓶君才無雙通五經模範已逮衿青  
青豈惟鶴書有徵召會當著作承明庭看花它日長安陌  
我亦浮查南北客筍齋花徑埽重來更話江亭翦燈夕

初秋將試金陵自江陰城南登舟呈三兄并同幕諸

君子

行過九里十三灣又入青林翠篠間暑雨乍收黃歇浦秋

雲遙接白門山殘荷早桂知迎送

五月聖園荷盛開今將啟行嘉蔭樓桂花適放

客燕賓鴻數往還

蓮西西旋石洲南來小泉小璘綬菴雪篁題歸次第俱還六弟亦有請假南遊

之意欲補寄園新畫本篷窗風景勝柴關

頃作寄園消夏圖

次和石洲兼述舊懷三首

遠遊何幸得同聲  
放棹中流自在行  
陶令之官心已素  
阮公不醉眼常青  
海邊鷗鷺能馴客  
林外蝸蟾任沸羹  
且擬從君文字飲  
六朝山色一杯傾

鉤輈格磔漫求聲  
九達偏爲跼蹕行  
知白若能常守黑  
出藍何慮不成青  
負鹽老驥悲登阪  
食糗飛鴉悔作羹  
休道虛舟還有觸  
試看敲器幾曾傾

萬戶絃歌起正聲  
當時吾道已南行  
衣冠詎必三年禘  
衿佩原非一日青  
野鹿登皮思漢幣  
江梅入鼎望吳羹  
何由憑藉南風力  
海市全消蜃氣傾

戲和石洲觀結罾作

結網橫流落日初  
欲遮江渚作溝渠  
回頭笑謝任公子  
臣

請三言海大魚

再疊前韵荅三兄寄六弟書

一紙家書爲寄聲使查今作秣陵行江從瓜步東流大山  
到龍蟠北向青落日離懷隨雁陣秋風客味付菹羹卻思  
聽雨寒燈夜瓦缶邨醪細細傾

丹陽阻風夜泊讀黃仲則兩當軒詩集

年少能爲萬里行詩名難敵是狂名眼中北海孔文舉

朱笥

河先生

身後山陽范巨卿

君歿於河東洪雅存先生自關中歸送其喪

黃鶴青蓮

應共語秦箏燕筑爲誰鳴無端檣棹顛風岸使我挑燈夢

不成

丹徒楊子堅泛舟來送此集

曉發辛豐仍疊前韵

風水聲兼鼓角聲臥聞三老放船行繩牽人語中流亂窗  
漏天光一綫青埽地焚香回客夢買魚沽酒待晨羹京江  
秋色空濛裏已覺羣山北顧傾

雨泊鎮江西門外石洲與家兄酬唱竟夜情詞拳然

次和

客思秋兼雨詩成夜覺春塞鴻來有信

頃石洲  
得家書

窗燭語相

親感子嚶鳴意慙予鞅掌身無爲黃鵠舉且伴白鷗馴

新樂府三章

有序

爲雅片煙作也雅片本名阿片又名阿芙蓉康熙二  
十四年開禁南洋始充藥材流入中國其後吸食漸  
衆毒朋溺人嘉慶十五年奉

旨嚴禁嗣後屢議科條加重懲警而習染弗悛以其  
朋發能致人死故也道光十八年鴻臚寺卿黃君爵  
滋以文銀出洋日多弊由私販日夥疏請自今犯者  
宜論死以塞漏卮

特詔盛京吉林黑龍江將軍直省督撫各抒所見議  
奏於是中外聞風振勵洗刷有司剴切宣諭並刊布  
治朋諸方以拯積溺篇藻忝奉輜軒之使士習民風

與有責焉爰製新樂府三章以當勸戒俾多士循省  
且爲民誦之庶知

朝廷好生之德洽于民心茲用不犯于有司云爾

鴉片煙來自西南洋外之估船我

朝柔遠弛洋禁欲化毛羽爲織絰大黃茶葉洋所無洋人  
得之銷毒鳩大哉

聖德中外無不該彼洋乃以鳩爲媒不知何物阿芙蓉闌  
入包匭充藥材蜃樓雲煙從此起世上紛紛雅片鬼雅片  
鬼爾何愚爾之金盡骨髓枯旁人笑罵爾歡娛豈不聞黑  
鬼白鬼販煙亞細亞彼國食者殺無赦如今

朝廷議以重典待爾儕許爾瀚腸滌胃痛自悔爾不自悔  
誰爲哀一章

雅片煙流入中土自南及北如狂瀾

先皇有詔嚴禁此爲其傷生廢事耳傷生廢事犯者法當  
徙特未殺人梟至死大哉



國法輕重有權衡爾輩乃以死爲生豈惟將身作藥脯坐  
使黃金化爲土初聞番錢滿載來估船近則以土代其錢  
土日多錢日少蠲艇朝朝出海島豈不知黃金白金  
國之寶民命繫此爲壽夭擲之大洋眞草草如今

朝廷豈樂以重典待爾曹願爾拔疽剔蠹善自保爾不自  
保將焉逃

二章

雅片煙黃鴻臚疏天下傳我

皇惻然爲民計

詔下封疆大臣各具議大哉

天地好生德辟以止辟誠救弊立法由近以及遠行法後  
賤而先貴懲一警百許自新酒誥意在醒迷民風要視

士習變臣愚竊考洪範傳洪範次九乃以六極終雅片一  
物備其凶豈特惡疾致短折曰貧曰弱憂何窮氓之蚩蚩  
自罹咎士也衰然四民首豈不聞

深宮宵衣與盱食蠲租卻貢紆民力又不見市上金價高  
如山民間米鹽事事艱毒藥得解尙可活黃金入海何時  
還如今

朝廷日以化民成俗望我士我士勗哉其以忘生徇欲爲  
深恥五福繩繩其來遯三章

京口泝江七里至便民港

銀山望金山雙闕作江關舟似老魚上雲疑飛鳥還看人  
帆力飽忘我艣聲艱句曲迎西笑行行七里灣

自龍潭登陸西行五十里至朝陽門

便民港至龍安鎮水驛山郵特地開六十年前遺老在當時親見

翠華來

便民港乾隆四十五年始開今山麓猶稱御道

望明孝陵

鍾山王氣昔龍蟠陵衛葱葱尙守官日莫浮雲天際遠滿城秋色似長安

金陵試院樓上

東南城角漏遙天每倚樓窗思渺然夕照外餘孤堦影晨炊中有六朝煙龍蟠虎踞皆陳迹鼉擲鯨喙屬少年一笑出門欲東去栖霞秋色滿江船

海甯朱貞孝女頰伽禮佛圖

朱貞女夫亡未昏志必死志必死矢靡它女死其如老母  
何朱孝女母在不敢從夫死從夫死良非難以孝全貞心  
益堅禮有常亦有變禮有經亦有權經權常變所不到世  
間乃見大貞孝貞孝之至通於天世不能名名以禪冬青  
無樹亦無佛唯有靈臺一寸心照見萬古不死之寒月

題周竹溪郡丞

維新

小照

食筍齋前竹三竿兩竿君眼熟

發君直內閣每至園必枉過談竟日

小倉山

下竹千竿萬竿我初目

君與沈雲巢太守招遊隨園

黃金臺高塵土紅

金陵諸山翠埽空與君十年各南北掀髯一笑尊酒同人  
生聚散那可料栖霞放船仍共權江南竹箭多於蘆秋風

吹我入畫圖長身玉立閒且都手持三尺青珊瑚平心觀  
物有深意海戶沙民望君至時君奉檄勘海州沙田記取風梢煙篠  
間江灣是我題詩地

玉釵樂府四章

有序

貞母武進人雲南武定州知州楊奎女同邑生員湯  
荀業妻浙江樂清等處副將世襲雲騎尉貽汾之母  
也荀業父大奎以進士官福建連江縣知縣移知鳳  
山挈荀業渡海之任乾隆丙午冬臺灣賊林爽文作  
亂荀業以徇父死難於是貽汾襲祖蔭爲儒將貞母  
之教也貞母工琴善詩遭家難悉取詩稿焚之其後  
因所戴玉釵中斷偶拈二絕句貽汾乃潛錄之繪圖

徵詩海內士大夫欽仰悲歎形諸歌詠已盈數帙余按試金陵貽汾託所善江防司馬周君維新以畫卷求題因摘貞母詩句爲樂府四章以爲士林勸貞母詩并記於左詩云美便無瑕斷卽休曉匳宵枕夢悠悠於今別有思親淚記與釵時新上頭鏡非臺已悟空門贈嫁釵簪半不存三十九年千萬路鬢絲絲斷

玉還溫

美無瑕玉釵宜歸忠孝家父兮死忠子死孝玉釵獨向寒閨照釵雖斷家再完上有薰草下桂蘭

思親淚祇有玉釵知此意海枯石爛命如何猶記上頭雙翠蛾釵雖斷光不沒中有昆明萬里月

鏡非臺何況纖纖白玉釵玉釵未斷鏡先破曉鏡無復吟  
聲和詩雖焚釵尙存畫斷荻枝付子孫

鬢絲絲至今人誦斷釵詩斷釵有詩復有畫斷琴無弦猶  
自挂篋中釵壁上琴難寫湯家貞母心

善化唐鏡海方伯前輩鑑有孝女曰惠觀割臂療母  
疾竟以身代方伯哀之爲銘詞徵詩感成一絕句

墨不能濃淚萬行兩篇銘誅斷人腸不須懊恨天難問割  
臂焚香願已償

梅華夢裏雪紛紛孝女初歿母夢梅花一樹盡落埋玉山前有凍雲感到

瓊州老太史白頭爲寫女孀文張嶠山前輩岳崧爲撰墓銘并書

如皋舟中次荅石洲

發陽南下水如局

左傳哀公十二年公會衛侯宋皇瑗于鄆杜注鄆發揚也廣陵海陵縣東南有

發縣亭今舉北四十五里力

岸樹汀菱入蚌舫近海漸知

秋雨冷遙山還隔大江青鹽嗟事急憐場竈雀鼠聲喧惱

驛亭自媿采風無寸補閒評茶味試銅瓶

近海水鹹居民蓄雨水飲之

過胡安定故里疊前韵

安定祠堂秋草局行人指點漫揚舫殿前論樂衣仍白齋  
下傳經簡尙青作賦欲觀於廓海過橋難覓發繇亭不知  
玉井珠池畔誰擷谿毛薦一瓶

通州試院送三兄歸里

澤國氣候煥草木冬猶榮吾兄將北歸吾弟初南征  
六弟自京師來旦夕 淮海一相聚離緒忽以并昨秋出都門邂逅涿  
可相見



郡城念我遠來依不暇歌鹿鳴江南九州郡聽雨連窗楹  
金沙得弟書喜弟登蓬瀛兩世一甲子叨幸心暗驚

君恩逮寒門安敢論重輕區區寸草心何以報所生譬彼  
膏雨流隨器注斲罌兩大斲罌小得不虞滿盈兄曰尙慎  
旃吾志在歸畊有弟留伴汝汝其勤王程官齋寂以清汗  
簡羅棟薨弟但誦且思豈惟益聰明家事勿復顧吾老氣  
漸平周旋親族間或不愆於行念汝性迂拙悞悞何所營  
薄宦三十年債臺高崢嶸鄉人幸諒汝望汝保台名吾歸  
爲汝謝幸毋辱鄉評湘水與江水發源同一清在歲觀學  
湖南栽葦

陋規汝時念魚鮓吾豈忘菜羹汝年雖未衰鬚髮白數莖汝  
勞吾所念亦如汝念兄再拜謝吾兄爲兄洗酒觥兄歸慎

起居南望心勿縈閉戶訓子姪努力守短檠使槎歸有時  
相見期都京艱難媿兄弟飄忽歲月更江頭雙鯉魚尺書  
能送迎朔風動征雁歲莫難爲情

送趙生

復正西歸

弱冠頻年賦遠游性情能不汨時流持身比玉防微玷守  
口如瓶足寡尤曾向寒窗窮蠶簡早從名帖得銀鉤慙余  
宦跡無南北使汝浮沈逐海鷗

脊令原在慟何如

趙生以兄喪歸里

歸計紆回迫歲除韓子意猶

憐柏馬馮生歌豈爲車魚須知憂患能傷性縱有艱難莫  
廢書努力韶華方鼎鼎山田大好帶經鉏

淮安試院寄三兄

定有鄰人喜客歸吳中風景話依依弟兄慙似河淮匯南  
北偏爲燕雁飛閒覺家山貧亦好老知游宦願多違不如  
課子寒鐙下門掩書聲雪透幃

六姪世敦  
隨侍歸里

復仇亭集卷二十五

壽陽祁寓藻叔穎

古今體詩四十七首

戊戌己亥

十一月二十九日舟泊金山遂登絕頂同人分詠得

靜字

片帆獵獵劃風影瓜步飛來只俄頃塔鈴碎語似留客向夕驚濤怒猶騁樓觀耽耽鍾鼓喧東望卻羨焦山靜山僧

導我玉帶樓煎茶爲試中冷井因觀玉版歎劫火

帶玉版二十枚

火燬其四乾隆間詔補之鐫製詩於舊玉版上以紫檀匣藏之想見箭鋒落機警十

圍腰腹容何物四大禪牀孰坐領一從圖畫入

天題萬古雲霄拓詩境

圖

石渠寶笈有崔子忠金山留帶御筆摹刻於石并鐫詩上

方憶昔

翠華南駐此

龍鱸鳳舸旌旗整從臣詞翰盡鄒枚帷幄謀謨皆魏邴年

豐民樂事多暇漕順官清政無猛遂開宛委出祕笈

金山文宗

閣恭藏 欽定四庫全書與揚州之文匯杭州之文瀾是爲江浙三閣 要使淵源得修綆東

南羣儒走闔溢山腳書船達楚郢

靜瀾堂高

宮樹古

靜瀾堂金山行官聽政殿額

至今父老猶望幸琅嬛雙龍守門

闕鎖鑰沈沈誰所秉亦思解帶住僧寮曉角催人江路永

次日放舟焦山步過丹徒橫牖換小舟行

解纜謝浮玉焦山青岌業沿山轉東南過焦江漸狹西風

頂莫潮水涸丹徒牯漕艘塞其吭若太阿入匣官吏走流  
汗推挽力已乏東下孟河口百里如出峽同人鼓舟走談  
笑陽侯狎而余獨邈迥乃用閒道法平生飽江湖見小敵  
若怯江南水平遠衣帶連若雪坐我明鏡中泛泛同鳧鴨  
回思楚粵行蹈險勢如劫斂軍就新懦要盟悔前歎羨彼  
江干叟終年把鉏鍤

小舟

白板小窗扉驚沙坐自飛

船名小沙飛

樹隨漁艇聚山避漕船

歸江路何悠緬星槎孰是非便思尋范蠡湖上弄斜暉

當塗夫子九十壽辰寄詩奉祝四首

于湖秋色日清新畫錦堂開拜

紫綸藥籠

詩郵三

錫命青山塵海一歸人

公自丙戌告歸迄今十三年兩拜  
萎苓之賜又荷賜詩每陳謝

輒蒙  
旨手荅

世傳坡谷神仙侶

天許夔龍疆健身聞說梅花來驛使隔年先報小園春

橘不爲洲秫不田憂時心事轉殷然流民已活江南北寒

士都歸廈萬千晏子裘存鄰里煥疏家金盡子孫賢未知

洛下耆英會可有香山樂府篇

以千金助賑捐宅爲義塾  
捐穀置義倉皆公歸里事

有  
衰敝  
詔

一德幾康

帝載賡豈惟稽古重桓榮

道光癸未詔繪十五老臣像  
於萬壽山玉瀾堂公以軍機大

臣與焉御題云豈獨文章滄江青瑣歸來夢麟閣雲臺

舊日名觀我真成壽者相賦詩猶似少年行無心看取階

前竹兩地高齋共此清公在官在里皆以食筭名齋

錫福端由養福來

兩朝宸翰照金壘公七十 賜額曰養福增壽八十 賜

緣野襟期 養福長吳中簪紱華筵集天下文章慶勝開黃鶴南飛

公壽考大江東去我沿洄百齡盛會從今數時倚孤星望  
斗魁

雪夜綳兒霜帷課讀二圖朱蘭坡侍讀前輩璋爲其

兩太夫人作也侍讀初生父病惡兒啼母每夜襁抱  
鄰族媿母所三月而孤稍長出嗣嗣母汪未婚守節



課讀勤劬卒以成名侍讀以 上書房傅請養歸遂  
不出今主講蘇州紫陽書院

兒啼嗶嗶耶在牀展轉不寐心暗傷兒啼呱呱母在塗鄰  
巷一條鐙影孤明朝耶醒問兒睡母言此兒解耶意蓬頭  
來往風雪淒從此耶眠兒不啼鄰家有母嫠且老夜夜抱  
兒啼到曉至今古木號寒雅猶似當時寄巢鳥白頭襁褓  
念恩勤世上誰知縣定溫寒冰過後難重覆猛虎前頭不  
忍聞

兒讀父書問阿母父兮讀書母見否母聞兒語心骨悲兒  
父已歿母始歸兒如寄生竹母爲女貞木竹生自孤木自  
貞兒但讀書名自成書聲鐙影霜林下落葉紛紛碎檐瓦

此時鄰兒正酣夢  
母淚暗溼機絲凍  
一朝綽楔照綵衣  
兒名已成母在幃  
舍南舍北指嘉樹  
云是朱家讀書處  
世間冰槩何處無  
我亦傷心讀此圖  
朔風捲地夢橫屋  
萬里闕門夜課書

先君于役西陲篤藻方十三歲先母課讀冬夜視夢星西沒爲度

石洲荅送盆梅次和

驛使誰爲寄天涯  
且自春不嫌官閣冷  
聊與客懷親籬角  
和煙補牆腰帶月  
循知君吟思渴  
瓶盎亦精神

君近止酒

立春日紫薇庭小集分韻得書字呈張石洲并幕中

諸君子

江國多風雨  
官齋似隱居  
尋山幾兩屐  
餞歲一牀書  
屋有東西陸  
朋來大小徐

苗先路精說文聲讀之學

愛閒惟點勘  
驚俗得迂

疏古訓鑿匡鼎新知關仲舒好冠吳季札奇服楚三閭

吳景

韓李戟門胡光伯  
張希袁皆楚材也

心畫才兼擅

陳伯禧  
工書

芻羅氣有餘侯誰

稱孝友與我共蓄畬浩蕩江淮合崢嶸日月徂周南且留  
滯稷下正紛拏小閣張燈後枯腸得酒初寄梅仍悵望說  
劍或軒渠客意春先覺詩懷醉更攄年來歡會處幾見月  
盈虛

己亥正月三日大雪登樓曉望同石洲六弟作

春雨如夢斷復續檐聲驚曉碎寒玉披衣直上西北樓  
滢江天入遐矚君山渺渺墮何處縞帶一彎女牆束忽然  
回風出孤寺坐送危闌壓山足眼前明滅已萬變人世何  
爲苦局促回頭卻憐亭沼靜埽徑轉惜莓苔綠紫林絡石

各有態撲帽黏衣那忍觸江南氣煥冬不冰六花一飛天  
雨粟去年州郡數馳報豫說豐穰驗謠俗方春盈尺事罕  
覩生麥殺蝗理焉屬五十年中無此寒吠犬何須怪巴蜀  
新年三日官舍靜唯有清尊照銀燭糧艘如山浦雲凍飛  
輓得毋病駮瘰雪泥鴻爪無定躅忽憶尺五城南曲燕臺  
舊雨更何人林表浮嵐醉初旭丙申之冬程春海少農招  
客集吳紅生寓齋賞雪以  
林表明霽色分酌余屬程春霆作城南雪集圖諸君錄詩  
其上余爲五轉韵長句附後今復展卷而春海廉峯已成  
古人  
矣

春雪詞四首

三日江城雪春愁滿酒杯北風送征雁那更入樓來  
君山看不厭破曉幾憑闌似聽林鳥語江南無此寒

飢禽啄殘粒一飽易爲恩祇有袁安卧無人爲啟門  
隴麥初青候河冰再凍時梅花元自冷不敢怨春遲

京口開壩觀漕船渡江簡陳芝楣中丞

二月二日

飛輓年來事事艱每勞使節駐江關

每歲冬封壩挑河春開壩放船皆中丞親

蒞其眼看稔稻雲帆路化作金銀飯艧山

金銀二海上海名海上浮

槎何浩渺燕南沃壤總寬閒誰歟畫取敖倉策鄭白成規  
問馬班

壹齋師寄圖三卷命題

問道圖

公年八十八日昏猶爲鄉塾師誨人不倦戲作是圖

古之卿大夫致仕爲塾師達尊爵齒德三者實兼資興賢  
簡不帥風化之所基王道觀於鄉衆學乃不歧

儀禮鄉飲酒禮鄭注

古者年七十而致仕老於鄉里大夫名曰父  
師士名曰少師而教學焉又見王制學記注大人濟萬物

進退皆有爲後賢亦勇退退則無所施番番黃髮老徒領  
宮觀祠書院差近古又以利祿糜黃金禮游士蒲輪延國  
耆前席未暇煖後者徹皋比坐見書幣奔化爲田舍貲絳  
帳紛雲煙恍忽不可窺篋篋執經徒偃偃何所之中夜求  
諸幽孰爲豁其知先生但靜坐炳燭光如曦羔鴈不敢瀆  
天下欽風儀懸車十餘年間里無羣嬉納之左右塾導以  
九達達口講復指畫猶云目力疲百年且就見神明安有  
衰側聞軒轅氏不遺空同咨大道非察察金鑑乃在茲

我與我周旋圖

公彙生平小像自十七至八十四歲共九像合摹一卷

把卷垂竿自在身求詩問法總天真觀河面皺須臾事數

盡恒沙幾輩人

公有觀河圖乃十七歲七十歲兩像合軸

會荷

天題在

御屏靈光落落駐丹青江湖賸有嚴陵老知是雲臺第幾

星

卷中有玉瀾堂錫宴老臣畫像

九老圖成似解嘲無端黃髮笑垂髫昇平橋畔誰相識祇

有仙人王子喬

謂子卿先生昇平橋公所居也

早悟禪牀四大空聊將蹤跡託飛鴻不須團扇家家畫萬

樹梅花一放翁

書餞圖

公詩序云道光乙酉冬將乞休先期載書南歸作餞書圖丙申之夏兩目忽盲束書

不觀者累月因作書餞圖昔者我為主書爲客今者書爲主我爲客矣諺所謂瞎說耳然亦諷夫有

書不讀及不瞎  
而不讀書者

非人磨墨磨人坡老此言誰與倫達人妙喻無不可曰  
我餞書書餞我憶昔我公餞書歸歸心早逐車塵飛賤子  
作文侍公燕謂公直以書自餞公之出處書與俱何爲主  
客分區區世人讀書讀以目公獨曾有光明燭年來存神  
要默識偶以此圖爲游戲日昨遺我尺素書上有驪珠四  
百字元精炯炯貫當中揮毫落紙猶如風乃知返觀有微  
意意在炳燭發羣矇我公今年年九十

龍章鳳藻

恩波及長恩長恩亦有榮  
書神名長恩畫作神像冠佩持爵狀瓊裾玉佩來  
相迎金鑑千秋作眉壽牙籤萬軸還眼明願公惜取離書



力但寫青山好顏色山中松煙劇易得不信世有磨人墨  
上已後一日徐州城外校射二首

鑊闔深沈不見春春風吹送馬蹄塵擊毬膾有場千步學  
劍空聞敵萬人城郭桃花隨駿足郊原麥氣壓龍鱗華林  
況值暄妍日但覺旌旗熨眼新

猛士詩人安在哉斬蛇戲馬總堪哀一從劉項悲歌後併  
入韓蘇感慨來天外皋禽何灑落原頭野雉莫疑猜江山  
文藻評量徧始信徐方出異才

海州五首送張石洲入都

明月出東海庭樹翳其光仰觀天宇高衆星何輝煌歲星  
與熒惑各據太微旁填獨近月東睽睽如相望嗟爾士之

精幾年周天行似畏望舒實翼之升角亢明月豈不低衆  
星豈不昂三五會有時盈闕亦其常不聞鷄三號誰與照  
屋梁

胸山不入城日日來堂上雲氣吞吐之昏旦千萬狀山色  
難自主顯晦何所向海雨洗不青草木絕依傍偶被黃泥  
彈錦繡汗屏障芙蓉仙人去桃花不敢放雲臺向西笑笑  
爾塵容抗誰令近城市吾欲鏟疊嶂不如藐姑射冰雪出  
高亮

大海日東下鴻波何時旋坐令雲臺山移置當平田山中  
有神鳥毛羽五色鮮世人不能識名之曰鳳焉魯門鍾鼓  
多爰居避不前嶧山無竹實孤桐私自憐翻兮鵝寥廓下

視鵬垂天一飽豈所求和鳴良獨難焦尾亦不惜所惜無成連

枯桑一何知天風日夜吼遊子一何悲遠道難爲久憂來不可說南箕避北斗贈我錦繡段報之乏瓊玖緬懷孔北海昔日盛賓友鸚鵡非不言鸚鵡意獨厚美服衆所指盈廷誰執咎君看黃叔度千頃無不有嗣宗亦真狂臧否不挂口

吳淠煮東海斥鹵爲膏脂利窮法數變何論官與私爾來淮南北梟弱商亦疲大儒奮金椎長揖取高貲習俗能染人墨翟悲素絲燕趙慷慨士交遊多新知落落戴安道王門不可羈鹽車在太行黃金紛四馳君行慎風塵毋使衣

化緇

江陰送吳景韓

大忠

還靖州

胡生北去子南還

光伯昨自海州入都

伏雨關風遠道艱江海不堪

頻送別舟車何處得長閒春申賓客空珠履季子碑銘有

薜斑留取西園圖畫在分明城角是君山

衣服雲山照眼明蘭橈曾泛五溪行邊隅自昔多才俊上

選誰能及老成

君與梁秋潭蔣南喬皆靖人同科拔萃中年差長

一尺短檠消壯

歲四方高髻擁浮名看君讀易蕭疏甚使我論文氣亦平

穉子欣然几席親西堂燈火兩經春橘洲敢自謀生計芝

室惟求近善人瑟僖何時能了了琴書此別更諄諄亦知

清濁滄浪水未免謳思逐楚蘋

兒子世長從君讀書

大江千里思悠悠哉拔劍吾方歌莫哀秋早已聞叢桂發月  
明還有夜珠來鯉魚尺素宜加飢駿馬黃金尙築臺歸去  
若逢騷客問爲言杞梓正需才

題陳芝楣

鑾

中丞个中真意圖

弁序

嘉慶乙亥丙子間芝楣佐張文敏節相

百齡

幕居署

西偏池上百八十竿精舍嘗作小篆榜於亭曰个中  
樂道光己亥仲秋權兩江督篆復居此亭錫山願竹

碣

蕙

舊同幕也爲作此圖

憶昔識君食筍齋畫圖雅集陪尊疊

壹齋雅集圖余兩人寫像其中

君時

下榻故相邸

文敏京第

暇日往往城南來二十年來阻遊宦兩

載江淮五相見人生聚散那可料一紙蓬窗悟真幻

昨讀斯圖

於其陽舟中

東南節制天下雄相公愛士明且融韓碑大筆宜

晉國豈特温石從烏公當時題襟五十輩坐上名流傾海

內西池竹徑爲君開曰君宅日當吾代

幕僚惟林少穆前輩與君文敏許以

封疆之才

草堂蕪沒庭梧彫平泉花木誰見招惟有數竿碧於

水秋色寸寸橫溪橋去年窗月留人住照見闌干題字處

戊戌嘉平君重宿金陵節院句云紙窗一片月相照徹清宵

今年新筍秋更妍紙窗月

亦隨人圓防河講武利鹽漕龍節周巡靡不到風篁雨籜

孰主賓清夢時時逐吟嘯个中甘苦人不知圖成付與虎

頭癡竹倚竹倚識此竹老圃曾伴黃花菊

菊谿文敏別號

歲寒心

事今誰屬

君有小印曰歲寒心事久彌堅

丹山鸞鳳如雲來願君惜此琅

玕玉

題唐鏡海方伯五源學舍圖

并序

廣西富川十三源皆獠人耕作之地近日尙衣冠重禮義以民籍入庠序者有之惟宋塘三輦龍窩平市倒水五源未改故習道光壬辰楚獠滋事方伯時奉檄守富川爲躬立義學置師教讀其俗丕變

南荒槃瓠種山居今日獠獠狃俗不改族類雜土苗我

朝文德敷設學及邊遠惟獠亦嚮化譬彼食菽鵝

帝曰作新民一字華袞邀

雍正十年改苗童爲新童苗卷爲新卷今苗獠應試均遵此例

頤令椎髻徒衿佩出繇條粵西古山國邊疋習輕趨土學

與苗學以漸化其囂

康熙雍正間土司各屬立學嘉慶初西隆州等處及桂林府之龍勝廳柳

州府之羅城懷遠各縣均增置苗額富川十三源耕作兼漁樵五源地更僻

往來稀軒輅使君握兵符守禦逮蠻獠諭以團練方義勇  
屹不搖教以禮讓節抃舞馴不驕授以聖人書置師作之  
標使君騎馬來兒童歌且謠歌謠皆書聲厲至不待招父  
老扶杖來空山聞鈞韶不知是何官但見冠纓影長跪問  
使君楚粵何烽燹得毋連永間有吏誅微徭以彼蠻觸爭  
使我絃誦調田疇而衣冠心臧而土饒至今茭舍樹青翠  
不肯彫繁余曩使楚遠陟山乘橋出入諸峒寨問俗知淳  
澆山猿力窮弱平地多客僑吞剝及巾帶坐見田廬銷燧  
哉錢公議教養期久要湖南平地猿皆招戶客民冒之南  
園學使會奏准嚴禁余按試桂陽  
黜平地而取山  
猿蓋此意也披君學舍圖旬宣心孔昭軍書旁午中此  
事何寥寥白狼檠木歌徒爲後代嘲安得漢文翁用視民



不恍

秋夜斲晴

翦燭出明月始知今夜晴  
雨窗一片影江縣萬家清  
刈稻愁將晚髮絲惜未成  
似聞淮海路鳧雁宿高城

今秋高堰湖水盛漲

開壩宣洩下游被淹

鏡海前輩岱麓耕雲圖

望雲岱麓連衡麓天與雙峰左右環  
一自巖鐙照松柏肥

泉終傍孝堂山

方輿紀要肥河在肥城縣東十里源出孝堂山

膚寸溶溶滿太虛人間祇道雨隨車  
不知丙舍空山裏幾

載倪生手荷鋤

石田茅屋想歸耕  
灘水吳江感宦情  
料有鄰翁扶杖說十

年前聽讀書聲

句蘇亭邊羨鳳飛

東觀記漢章帝元年鳳集肥城縣句蘇亭

鸞巖迴首隔柴扉

北原只在雲深處聞道新松已合圍

余服闋出山三年餘矣

題畫爲孔一峯同年作

十日五日一水石王宰幾曾遭促迫鴈聲飛入筆端秋特  
爲先生破空碧先生結廬白雲間負米行吟日未夕湖光  
山色滿衣袖蓬島應無此仙宅此圖珍惜出山前青鬢早  
結歸來緣不知胷中三萬頃何地可著紅塵鞭當時同榜  
人有幾把卷從頭數甲子釣竿詩卷有家風觸我鄉心四  
千里襍欲亭子三重茅碧夫容與寒天高卻因一幅吳淞  
水悵望并州快翦刀

青浦縣城北謁 孔宅敬紀

浩淼三江浦蒼茫一畝宮地當吳會左澤衍魯邦東先聖

存遺蹟初基溯寓公

孔宅志孔子二十二代孫潛字景微先居梁國爲漢太子少傅避地會稽

遂爲郡人至三十四代正爲蘇州長史值隋末亂離奉避先聖衣冠寶玉葬於大盈浦上立家廟以祀子孫家焉

秦非效鮒噫漢孰知鴻卜築延康末遷流大業終衣冠遂

宰木俎豆尙家風莽莽悲陵谷蕭蕭想鬱葱似聞環佩出

宋淳熙間慧日院僧疏廟隳渠得寶玉六事三璧二環一簪藏縣庠或云瘞於墓側安仰棟梁崇山

澤涵藏久

唐虞際會隆

六飛春駐蹕三泖士呼嵩麟紱傳書素

龍章捧日紅

康熙四十四年三月巡幸江浙塗經青浦貢監生員孫鉉等籲請御書扁云聖蹟遺

嶽聯云澤衍魯邦四海人均化育裔分吳會千秋世永蒸  
嘗雍正十二年詔立五代王祠乾隆十一年禮部題准  
奉祀生四十四年巡撫楊魁疏奏佑修五十二年知縣孫  
鳳鳴重修嘉慶五年署縣事盧竣請帑重修道光三年援  
案官爲修理練光騰馬鬣雲氣接龜蒙入室絲兼竹升階冠與

童像猶吳道子儀豈叔孫通竹箭人材美林葩樂府工言  
游文學粹季札篆碑豐闕里瞻斯在南行轍詎窮精靈留  
舜禹廟貌儼眉瞳一席神栖煖千秋禮器充輶軒誠有幸  
坊表媿無功仰睇規模壯深維教澤洪

丹題雲漢表碧蘚露霜中賢宰來鄆邑諸生識孔融

時青浦攝

令孔一峯昭顯曲阜聖裔

鳳林重颺颺鼉鼓已達達繼美新堂構留良

屬冶弓喜傾程子蓋愁鑄鼻王銅張壁光難蝕虞戈字待

馨況參邦彥議定亟庶民攻

奉祀生孔廣心及華亭雙縣奉賢南匯青浦諸生楊秉祀

等疊請修葺已捐廉爲  
倡並檄郡縣速議矣

盛世覃敷教羣公正協衷循牆勉偃僂冀達四門聰

聞道四首

聞道舟師出軍威震粵洋檄書問蘭頓

暎咭喇國都

關市納當

耶

啗啣港脚貨船遵諭具結求入口市易

漢使龍爲節夷情虎作偃火攻非

得已要示法三章

除惡風先樹浮言雪易消但令原燎盡不限海帆遙異物  
誠非寶中邦利及饒百年寬大政何以荅

天朝

物極知當返民窮望孔懷本非求蒟醬何至弃珠厓定議  
先親貴狂瀾必決排終資

乾斷力萬里豁陰霾

閩粵通南極燕齊接海東  
越裳安測聖銅柱久銘功  
客逐支機石心懸舶趙風  
籌邊有終始不敢望歸鴻

林公時以  
欽差大

臣調授兩  
廣總督

復仇亭集卷二十六

壽陽祁寯藻叔穎

古今體詩六十六首

庚子

元日簡陳登之

延恩

最難元日逢晴日大好今年勝去年臘雪有花民氣樂冷

衙如水長官賢已看種竹嬉雛鳳

君新抱孫

何用凌風羨紙鳶

一笑青旂豔城郭早梅香裏課春田

時攝江陰令

立春

毘陵驛致屠蘇酒陽羨鸞盛爛漫梅莫笑兒童作吳語江城三見土牛來

題蕪湖邵未齋先生

廷任

蚓唱餘音集次佚齋師韻

無雙江夏屬黃童受學誰知有洩翁老憶書聲樓翠裏俯

樓伏齋師幼從先生課誦地

重披詩卷釣竿中古桐挂壁餘音在新蘭

挑鐙細字工

頃從君孫小璚處見遺札六種道德孝經小楷尤精絕

何幸題名容曠

尾瓣香心事兩家同

春初偕黃樹齋侍郎

爵滋

奉使閩浙留題江陰西園

二首

江城官鼓靜獻歲且銜杯竹爆春聲裏梅花驛使來越吟

招遠客吳邑惜多才

吳趨行屬城咸有士吳邑最爲多

豈意輜軒史

新恩忝柏臺

正月二日奉使越五日復拜左都御史之命

司寇風裁峻文章動

主知匡廬曾識面山谷況能詩

曾爲樹齋題游廬圖

持節春先發同



舟晚更移

侍郎歲前出都余俟於毘陵江上

西園有嘉樹留取歲寒枝

太湖

寶帶橋西望太湖檣梢綰羽尙棲烏扁舟不逐鴟夷去未必黃金入畫圖

雨中過九里洲望梅花

元章妙墨留題在梅隱中書

蘭雪自號

願竟虛何意布帆煙雨

裏萬花開處我來初

曾於吳蘭雪丈坐上見王冕九里洲梅花圖

釣臺謁嚴先生祠

嚴州嚴瀨屬先生誰向春陵憶漢京釣渚臺前仍有地客星天上本無名孤懷尙不同良黨

王良周黨

遠見何曾爲歛彭

來歛

笑我披裘祠下過一竿可許倚灘聲

自桐溪至大洋

小洋纔過大洋來西崦人家點翠苔  
凹凹雪峯銜日出參差粉壁界煙開  
繩牽短艇風鳶上路轉危灘磨螳回  
記取嫩晴天色好滌波如鏡照春醅

蘭谿

穀水來何駛蘭谿故作灣山開斜日駐  
村遠大江閒垂釣吾將隱浮槎客未還  
遙思北征雁已度廣陵關余於學政任內奉使

閩南眷屬自江陰還京

水碓歌

一輪橫嵌漁灘中九碓坎坎高下春  
居民纍石助灘勢激水使輪如使風  
巖州湖衢州灘路三百里人道山田瘠不

知山田美山田種稻兼麥菽民勞心善寡馳逐卻將全力  
事畊稼一歲居然有三熟山有木水有竹搥竹爲紙伐木  
爲舟更爲屋頭春輸官次糶錢人力旣盡天亦憐一生飽  
喫山田米坐看杭州上水船

山行

浮槎日日問煙蘿又縛篋輿走澗阿麥隴碧於春水活菜  
花黃比夕陽多眼前山勢迎人出夢裏灘聲撼枕過客意  
漸新天漸遠卻從閩嶠憶江沱

入閩四首次雷省之比部

以誠

倦霞嶺韻

七閩天下險萬壑鬱縱橫不意周南滯翻爲嶺表行客星  
銀漢聚仙嶂赤霞明洗耳池亭坐江灘無此聲

建溪雷自吼聞嶠螿仍蟠古樹矜鱗甲奇禽惜羽翰入雲  
人影細過雨日光寒亦欲題匡竹曾無彩筆干  
度嶺疑無地羣峰莽刺天迴瞻關北寺橫鏤越中煙鑿壁  
餘斤斧分壘限水泉故知犬牙錯表裏義森然

市屋穿幽出溪橋架險通誰令山澤國乃雜漢夷風蜃氣  
樓臺見漁人網罟空春疇方有事悵望使君馳

次韵樹齋夏夜步月越王山麓

江路微茫見遠郊山城睥睨俯危巢萬家得月樓臺出一  
徑連雲草木包坐客胡牀聊與共參軍蠻語漸能教何人  
爲寫仙屏句記取森森碧玉梢

送胡恕堂

與仁

觀察蜀中

酉水注辰谿湘江勢直達險絕造平坦浩浩千里濶憶我  
別銅柱一十六裘葛君爲秦中吏治行有本末聯翩擢郡  
守一麾出甌越顧視舊同學珠玉仍被褐前年過暨陽足  
音履我闔豈料建谿舟峻瀨從君刺春寒訖盛暑晨曦逮  
燭跋每於案牘暇抗論中情豁君今荷

帝簡露冕移牂沫惟蜀稱富庶澆俗待旋斡側聞馬峩邊  
翦雍有餘枿海夷利用驅山夷利用遏雷頻天失威火烈  
民猶活

朝廷寬猛意張弛在省括南雲望北斗羣山翠如潑吾行  
且淹留甘棠媿所芟

題常南陔

大淳

朱蘭書屋圖

湘水自來碧建溪如此清知君空谷意不改遠遊情一室  
與之化孤芳羞爲名光風彌海嶠衆草亦萋榮

宦績常河內詩懷東廣微聲施如夏雨報荅有春暉紉佩  
伊誰贈援琴且自揮卽看階下竹雙玉已成圍

南陔觀察  
庭前近有

慈竹  
之瑞

### 荔支

北客淹留動十旬炎方節物幾番新如何海上離離實亦

作人間滾滾塵江綠藍紅今罷貢

道光初年  
罷荔支歲貢

敕玉槃絲

籠若爲珍閒看閩譜還惆悵飽噉誰人妙寫真

曩在京師  
孟瞻齋中

見東坡畫荔支長幘古絹深紅  
生氣遠出今不知歸何氏矣

### 題鄧嶰筠制軍海山眺月圖

晚晴潮退靜纖蘿秋色空明上翠螺  
蜃市煙消三島出羊城夜迴衆仙過  
舉杯對影天如鏡投筆籌邊海不波  
遙想黃灣回櫂處人間指說九霄多  
己亥中秋公約少穆制軍滋圃軍門登沙角礮臺望樓繪圖

題詩

銅鼓歌爲嶰筠前輩作

銅鼓有聲無文字石鼓有字乃無聲  
文淵孔明蹤跡所不到賂越胡爲託  
其名乃知金石非人不足壽景鍾部鼎亦如瓦釜空雷鳴歧陽獵碣義不辱泥垢置之太學比岫嶽若使瓊包席裹遺自宇文周曰科之材韓蘇二公見且羞何爲作歌感歎不自休長樂中丞梁荳林撫軍得此兩銅鼓其一乃贈南陽之制府楊舫桂管東道回旌旗組練滄溟開

三巖未終百粵震銀簪跳舞謹如雷詩人猛士雜龍虎手  
搗口沫辨論何雄哉君不見漢新息矍鑠猶傳銅馬式饒  
歌鼓吹正需才天下誰知鄧公癖

題三百三十有三士亭圖

開徑知三益爲山想一卷我來尋石友仍值補松年歲月  
雲煙過風流書畫傳延平劍終合肯逐鬱林船

康熙甲申沈心齋先生

涵

視學閩中於其署作亭植松

竹梅顏曰友清軒乾隆庚子朱竹君先生

筠

復搆補松

精舍多士人致一石鐫名其上顏曰三百三十有三士

亭弁爲之記山左有門別爲蕉林徑通東北隅搆亭曰

不炎之亭名其林曰葉林嘉慶丙子汪雨園先生

潤之



屬太倉王子若茂才

應綬

作圖存署中道光初年失去

庚子徐松龕觀察

繼畬

偶得之歸於吳崧甫學使

鍾駿

暑熱假觀題句并記其顛末如此

福州督署觀右旋白螺歌

百川東注天左旋地軸入海樞在天靈螺抱珠獨右轉乃  
與七曜精光聯在昔乾隆歲丁未王師偶指閩海墘天風  
送潮百靈埃馮螭擊鼓龍趨淵

帝謂爾衆涉大川錫爾白螺神所虔斯螺獻自藏班禪得  
月之精乃水母陽侯當之走且顛維時閩臣

恩望專九拜而出登樓船鯤身鹿耳坐超越談笑不待鼉  
鼉鞭功成惚恍若有恃佛力亦藉

天威宣海邦從此得寶鎮不惟其物惟其賢大哉

皇心契真宰盧牟六合歸陶甄天西兩藏萬藩部奔走梵  
唄銷戈鋌此中功德以神教精誠所至非言詮去年中山  
有冊使槎路來往如登仙何況雞籠近咫尺商艘漁艇紛  
洞沿爾螺有靈不可鍵海旁蜃氣莽成市安得一掃空雲  
煙

題寄陳登之郡丞瑞麥圖

江南財賦藪四郡稱上腴天庾四百萬大半來東吳田戶  
既有額漕丁亦有需南兌而北收輓運途何紆終年期限  
迫官民交相瘡牙枿生其間蠹蝨與之俱大戶且趨趨小  
戶安敢逋每於冬春交星火馳牒符官囊苦羞澀搜括及

綉襦飢飽各欲死侏儒笑腐儒墟里尙人煙空場閒鳥烏  
豈無惻怛心力不及耒鉏江陰雖下邑漕賦十萬餘使君  
清風來民懷乃愉愉一年獄訟稀兩年盜賊無催科敢曰  
拙撫字心則劬以茲坐重困所守終弗渝衆人歎其才我  
獨賢其迂昨秋使槎還君意若有敷不謂夏甸民

夏甸  
村名乃

有漁陽譽油油雙歧秀胡爲產此區東南重稷稻嗟爾生  
亦孤薺麥豈不有媿無琴德孚斯言婉以舒畫手亦善摹  
嘉瑞不妄出蒸黎未可愚煦嫗覆育際若有元氣輸猛虎  
避鳳皇老蚌還明珠事奇古所勗理實今不誣憶與君同  
舟忘機如鷗鳧秋霖共奔禱但願菑沴除觀潮偶一笑餘  
事惟嗟吁側聞鄭白策近在燕薊都富民要得人救弊須

良圖精華出地力南北固不殊康年帝所貽巨浸民其蘇  
悠悠海嶠客耿耿思江湖滔滔何所紀鬱鬱能久居因君  
問新漕今歲當何如

題寄登之講藝圖

英英忠義邦濟濟萃羣彥江山發文藻師友資講貫官清  
案牘簡歲美魚米賤星槎駐三載嵐翠擁一縣蕭疏兩校  
師錯落數丞掾陳侯來何莫謳歌藹芳甸歸然李先生申

先生南國靈光殿大匠執鑪冶衆寶入鎔鍊俞君舊所欽

北浴博物今罕見顧我走千里披豁申繾綣近乃識毛

理初先君生甫美髯言論善褰裳涉其涯瀕洞目已眩陳侯敬愛

客公暇數文譙顧侍萱劉箴山有同志士氣冷然變石室

屬高朕經帷侍胡琰風徑修竹閒水窗晚花綯諸生從之  
遊一二皆雋選或擬子雲賦或精康成算或匡鼎說詩或  
楚金繫傳深湛運微思卓犖得大觀采風吾職守有士志  
必薦惜哉中道違我馬逝如箭大江東入海習坎必以涖  
彼斷港絕潢難與航汗漫三吳實多才一邑且兼擅願侯  
導其源示之以畔岸大則潤萬物細流足旣灌諸賢推助  
之厥功敦學半文章在砥厲夫豈惟辨難藝也道斯存敢  
作畫圖翫

六月望夜越山眺月

山雲怒挾海水來萬里東注不可迴冰輪悄然破空走月  
氣所到天爲開眼前變滅何儻怳魚鱗細蹙鮫絲網驅龍

吐珠收不得，蜿蜒紛挐復騰上。斯時暝煙散，城郭野色濛。  
濛一片白對山，鎗火更分明。銀漢紅牆無處隔，客心如月。  
先得秋夢影，飛落天南。嗷天狼弧矢射未休，人間浪說仙。  
查浮停杯拔劍，向誰舞南望海門，見五虎歸來，敢惜露霑。  
衣統統城頭已三鼓。

越王山麓晚眺圖

弁序

山在福州城北，相傳爲越王無諸舊都。一名屏山樓，  
冠其顛，城帶其腹，貢院居其趾。道光二十年，予與樹  
齋少司寇奉使駐此，自春徂暑，每陟山椒，城郭如畫。  
南望九仙烏石，近在几席；羣峯環翠，江海匯流。實據  
一郡之勝，因屬羅六湖比部。

天池

作圖以志蹤跡。弁

系以詩

三山縹緲城之坳獨有越王山更高長風送客六千里使  
我衣袖生海濤荔子紅邊見落日稻花黃處知平舉每依  
南斗望北斗極目遠空秋雁勞

題吳孝子燮堂先生遺照

崧甫侍講尊人

山木亦有依流水亦有歸如何寸草心不及三春暉粲粲  
者門子循陔戀庭闈永念慈烏恩不爲威鳳飛飄風何發  
發吹我斑斕衣白雲宿我欄巖石當我巖豈無幽澗泉祥  
琴不能揮峩峩闔闔門銀榜排崔巍中有萬卷廬翠柏皆  
十圍邦人感且羨鄰母猶歎歎至性不可名孰云空相非  
世無束廣微此意知者希

後入閩四首疊前韵

使旋至江南常州奉命仍回福建查辦事件

北嚮復南征徘徊雁陣橫  
澄江還汎汎遠道重行行  
星火郵書急旌旗海嶼明  
炎方苦雷電天意欲收聲

海上神仙宅誰教蜃市蟠  
倚天賴長劍論事惜柔翰  
萬里羸糧盡三軍裹甲寒  
翱翔有深慮肯遂寘河干

貪狡情何極

堯仁覆以天蛟門靜枹鼓  
鷺疊駭風煙莽莽沙爲壘  
明明貨是泉長城何處在  
消息轉茫然

寬猛時相濟蠻夷道自通  
由來譚戚將必有藺廉風  
勝算終能定邊儲且未空  
無令鱗介族睥睨漢廷聰

福州城南觀鑄礮歌簡吳甄甫中丞



銅礮製自佛郎機嘆咭喇礮乃過之厥初荷蘭一屬國獨  
以利器雄島夷澳門市舶二百載自彼闌入奸僞滋腥煙  
毒土噫何物毋乃劫火煎膏脂億萬黃金擲虛牝我民其  
瘵兵則羸

皇仁好生嚴禁律閉關固守夫奚疑彼昏不悔且思逞焚  
輪怒挾鴻波馳舟山定海既淪鷺門廈門駭然後具狀鳴其私

惟

皇洞燭若觀火馭外之道先羈縻重申

異命戒曷帥除戎器以防海陲閩南諸侯有遠慮思患不  
敢徒委蛇范金鑄礮三十二延津劍氣歸鑪錘我昨渡海  
閱軍壘沙墩石壁如布棊長鯨鼓浪雷電鬥銜尾再遁摧

鱗鬚桓桓觀察

興泉永道劉君耀椿

識此意有備無患職所司乃知

甬東揖盜入此錯一鑄誰能追近閩龍節適東粵龜山番

舶仍游移

夷船尚在定海城南龜山一帶停泊

罷兵通市已有日問君鑄此

將何爲嗚呼問君鑄此將何爲

考亭朱子祠敬紀

聖學尙多識吾道一以貫義理出訓詁兩合無分判獲麟  
微言絕逐鹿羣書散狂瀾厄暴秦餘燼撥炎漢師承各有  
自墨守不敢畔江都得其醇褻然西京冠儒術盛東都許  
鄭具大觀危行見黨錮峻節凜厓岸題橋與投閣對之滋  
慙汗清譚始東晉莊老恣誕謾一變入彫刻再衰成塗墁  
潰波起昌黎唐哉日復旦其言大非夸本末有枝榦譬彼

鄭侯律義簡緒不亂落落三章法何事紛例案宋承五代  
弊綱紀久糜爛自非警聳曠無由發嚴憚南渡益淪替國  
步瀕危難大道在天壤夫子責奚追仰溯濂洛源近侍延  
平幔六經翳復明羣言淆則斷詞繁未敢殺理融猶待鍛  
所冀古訓式必戒文囿竄百家競騰躍豁然謝羈絆淵源  
漢諸儒如冰得日半乃知極研說不在侈詞翰滄洲古精  
舍建谿流奐奐樂道忘時窮著書甘歲晏高堅孔之卓鑽  
仰回也歎循循事博約了了致怡渙夫子爲其難後學失  
之嗒至今讀遺書厥功教學半再拜展儀象周行接里閭  
緬思游夏徒終媿一詞贊

四度仙霞嶺次壁間麗雪厓先生韵

大海抱七郡吐納東南天一嶺界閩越澹若齊州煙萬夫  
走流汗終日趾壓顛豈知絕島外倏忽飄輪旋蛟門舟已  
沈蕩析及屋椽蝮蛇東來游窟此龍宮偏拔劍不敢斬投  
餌仍潛淵登高望遠海直拍洪厓肩客行亦何爲往復經  
歲年回首鷺嶼門戰鼓聞咽咽一旅尙足恃萬竈乃不前  
吾欲鏗疊嶂移置舟山便山靈似竦諄外固中必堅備患  
在得人王道蕩且平側聞貔虎士不戰歸畊田功成謝主  
將誰勒銘山篇

附錄雪厓作

拔地突兀起直上摩青天莫莫蒸氣出映日流蒼煙相  
傳宋史浩開徑達層巔三百六十級蛇蹤紆迴旋絕頂

有神宇翠拱亞朱椽山僧亦有趣結亭殿東偏竹竿密  
作林流水審爲淵行人登頓疲來此一息肩遭燬甲丙  
歲重搆申酉年形勝良有餘八閩此其咽一夫當關立  
萬夫焉敢前當時李總制進取何輕便逆天理必亾地  
利無全堅我來泰平後道路清且平果實綴野樹秔稻  
被山田逍遙聊寓目卽事紀斯篇

戊寅秋日行次仙霞嶺作任邱龐塏雪厓氏書

釣臺放魚

輕颺細雨送歸船買得龍頭縮項鰯暴已遭霜柳貫眼  
枯猶望夜珠懸寄書道遠曾相憶結網人多只自憐付與  
嚴陵臺下水泳游常傍直鉤邊

吳康甫

延康

以陳石士外舅夫子遺像并所著范文

正公祠記及詩札石刻彙冊寄示感其高誼使槎過

杭題而歸之

京華別公顏髣髴前日事山中拜公像云自湖上寄殷勤

翫詩翰已有歎老意余時抱幽憂南望日以跂百年竟安

仰一紙若先示

甲午余居憂在籍先生自浙寄石刻小像并惡老詩三章

惟公秉懿美

根心發乃粹德優動

宸鑒學醇治士議昭昭范公祠躋哉宗伯記豈惟釐祀典

直使振邦治經術之所施故與俗學異康甫磊落人感舊

有餘思摹鐫及手札古道信不墜孤山鶴飛還石梁自空

翠仙心蘊儒理瀟灑皆實地讀公誠子書藹然前賢待溫

恭守在昔忠恕行可致禮堂有傳人寫定待編次永念平生知重以婚姻誼艱危賴提命和平出誠至盈盈桃李門  
廣廈昔所庇作詩感陳迹憂樂孰同志

北固山懷古

大江滔滔日東注碧玉雙峰鎖煙霧天寒風急不可越旗  
腳參差見瓜步京峴猶餘龍虎氣海門直接狼山戍誰云  
天塹限南北自是浮雲變朝莫阿瞞萬舳化爲灰王濬樓  
船豈飛渡紅袍玉帶彼何人一戰倉皇扼歸路自從湖上  
走蹇驢遂使銅駝臥霜露長城自壞夫誰撼謀國何堪一  
再誤當時忠憤滿朝野眼見烽塵斷江樹子玉不死季良  
在天意蒼蒼眷西顧荆門司馬古豪士看雨憑闌邀客住

畫中山色憶東甌杯底濤聲吞北固狂飈三日苦未息海  
國妖氛正纏互會看長劍戮鯨鯢儻許扁舟狎鷗鷺

至日京口守風

江城畫角曉寒催海日陰晴氣不開北固若能知客意東  
風應爲送潮來一陽轉律春猶待萬里浮槎夢已迥遙憶  
紫宸朝散後佩聲隱隱走車雷

得舍弟京寓書

鄉國渺無極北風天正寒檣烏樓不定塞雁渡應難久客  
惟加飯歸程尙據鞍何時石樓下閒對月團圓

江上阻風因述使槎往還蹤跡得詩二十二首呈樹  
齋侍郎省之六湖兩比部



在昔嘉禾嶼今爲一大都鷺門天設險龍節

帝分符野老焚香拜官軍負弩驅共傳星使至感歎且歡

呼

再使閩南渡  
海至廈門

潯尾

海北

天開鏡高崎

海南

浪拍山如何夷險異只在往

來間絕島烽煙急長城石壁環元虛曾賦海愁夢落渝關

己丑秋登澄  
海樓觀海

屏障南溟外臺澎實要津浪高雙鹿耳天遠七鯤身欲制

蛟龍怒先期雀鼠馴寄書問徐福或恐海揚塵

落日萬安橋秋風捲急潮鴻都留大筆魚袋朔前朝

蔡端  
明萬

安渡記其會孫賜  
緋魚袋桓立石

蘋藻猶思薦鼉鼉不敢驕洛陽今紙貴

題柱媿乘軺

漢俗夷風雜民窮逐物遷金捐蘭頓土銅鑄越南錢焦石  
山田瘠丹霞屋瓦鮮尙閩飽薯蕷辛苦說豐年

攘攘實堪憎蚩蚩亦可矜錐刀人盡取蠻觸力難勝擇吏  
文毋害除貪法必懲陽城甘下考青簡照朱繩

第一閩南縣銅山接瀨谿人家荔枝譜村落稻花畦多土  
爛臺笠重城靜鼓鼙疑江國近走馬秣陵西

南臺與海通戰艦列艨艟利在魚鹽外師過枕席中龍歸  
仍化劍鶴退不關風何日標銅柱吾思巽鑠翁

盪槩洪橋去林巒取次探高梯落青果小市聚朱柑雨息  
冬猶煖灘平夢亦酣參軍殊解事蠻語漸能諳

黯澹灘頭客虔州復楚州屢穿魚腹出還作劍潭游叱馭

吾何避浮槎事未休壯年悔彫刻班筆早宜投

疊翠排窗見雙溪抱郭流彩虹明夕照高館倚清秋水鳥  
人情熟盆蘭客夢幽結廬容小住吾道在滄洲

西陽仙佛窟杖錫出荆榛種竹皆成徑傳鑿已有人重來  
僧話舊遠寄字題新回首雲山隔青蒼萬古春

江上望江郎他鄉思故鄉綠蘿仙子鏡黃竹女兒箱夢與  
灘聲遠愁隨驛路長無諸何太苦莽莽破南荒

九里梅花路春來正及花推窗得粉本轉棹見人家招手  
峰巒過迴頭蓑笠斜不須吹玉笛芳草卽天涯

戰士還鄉後黃金鑄像初但聞湖上去不見甬東居越女  
花猶豔吳門練已虛惟餘怒潮在終古恨靈胥

舊雨惜蹉跎新知更若何風流江左盛名士濟南多抗志  
思鞭石論兵欲枕戈壯懷日蕭颯安得挽天河

玉帶水連天平江泛畫船路分吳越國橋記宋元年短燭  
孤篷雨枯桑萬戶縣故人還念爾漂泊轉悽然

南國集羣彥文翁有講堂碑餘吳季子殿尙魯靈光質庶  
人誰識誅茅徑就荒扁舟載書去陸賈本無裘

下邑羈豪士元方亦異才一門羔雁盛百里繭絲哀危論  
難諧俗流民欲繪災不知汲長孺持節爲誰來

籌國勞心計東南實漏卮催科能不拙飛輓若爲遲楮幣  
言徒鬩雲帆路漸歧何由致紅朽次第問瘡痍

仙吏勤留客顛風故送寒維舟曾幾日畫水得奇觀王宰

眞能事京江獨倚闌短歌還拔劍青眼爲君看

龔木民郡  
丞屬高密

王君功後爲作  
北顧覽勝圖

孔賓欲歸去黃石豈求名偶爾星槎聚頻爲海嶠行三山  
寒律萃二客氣崢嶸不用工詩句相看白髮生

### 渡河

維舟七日滯江皋一葦橫過迴不勞北嚮天邊有鴻雁南  
歸海外尙波濤星飛祇訝軍書急風捲初聞凌汛高落木  
平沙迴首處始知銀漢隔塵囂

### 鄴城道中大雪疊至日京口守風韻

馬蹄飛舞玉塵催曉色寒芒覘眼開冰自大河填海去雪  
從東岱塞天來一官雲鳥憑誰問萬里風花送客迴試向

齊郊訪農諺已聞臘鼓動春雷